

令隨駕宗寧人貞等製進○三公令檢詳啓曰黃海道延安府
使趙牛峯縣令蘇克仁並爲
師安所擬全當並罷而本道盜賊興行多殺
各官人吏漸不可長必設策捕獲然後可斷根抵也牛峯盜賊
窟穴故本邑縣令以有才智武臣差下已為戎列矣延安非但
盜賊恣行倭寇亦當防禦之地本邑府使請以文武中有才略
可以備禦盜賊之人擇差以除一道之害荅曰如啓

丁卯以南致勤為漢城府左尹

史臣曰左尹之職亞於判尹聽民詞訟而察其是非辨其
曲直其任至重是豈驪悍暴虐如致勤者所能堪乎吁今之
操政柄者徒為人而擇官不問其人物之當否以致名器之
賤污惜哉

戊辰日暈兩珥

己巳夜艮方巽方南方如火氣

庚午上 御晝夕講

辛未 上御朝晝講○專于政院曰今春欲謁光陵而未果拜